

## 259.

802

*Alcvinus Arnonem archiepiscopum Salisburgensem de libello multa de rebus variis continente, quem per Fredegisum ei miserat, certiore facit.* 802.

*Codd. S 1 fol. 220'—221' (S 1\* fol. 155'—156'), cf. Arndt Schrifttafeln<sup>2</sup> p. 14—16.*

*Edd. F 117, J 234. — Migne col. 407.*

5

VENERANDO EVANGELISTAE AQUILAE ALBINUS SALUTEM.

Direxi dilectioni vestrae per Fredegisum filium meum manualement libellum<sup>1</sup> multa continentem de diversis rebus, id est breves expositiones in psalmos septem paenitentiae; in psalmum quoque CXVIII; similiter et in psalmos<sup>a</sup> XV graduum<sup>2</sup>. Est quoque in eo libello psalterium<sup>b</sup> parvum, quod dicitur beati Bedae presbyteri psalterium, quem ille collegit<sup>c</sup> per versus dulces in laude Dei et orationibus per singulos psalmos<sup>3</sup> iuxta Hebraicam veritatem. Est quoque hymnus pulcherrimus de sex dierum opere et de sex aetatibus mundi<sup>4</sup>. Est et in eo epistola de confessione, quam fecimus ad infantes et pueros<sup>5</sup>. Est et in eo hymnus vetus de quindecim psalmis graduum<sup>6</sup>. Habet et alias orationes et hymnum quoque nobilissimum elegiaco metro compositum<sup>d</sup> de quadam regina Edildryde nomine<sup>7</sup>.

Quem libellum posui in manus Fredegisi filii mei. Tu quaere illum ab eo, ne forte in oblivione habeat propter alias occupationes tibi eum reddere. Et nullatenus permittas, nisi habeas illum ob memoriam nostri sive in domo<sup>e</sup> sive in itinere, ut audias illum quasi me tibi loquentem in cor. Plura misissem in eum<sup>8</sup>, nisi festinatio eius<sup>9</sup> praeveniret me, ut non habebam tempus eum ordinare, sicut dispositum habui. Valeto prospere et feliciter legens illum meique memor in orationibus semper sine fine vale.

Obsecro clementissimam benignitatem vestram, o dilectissime Aquila, ut filium meum Fredegisum benigne suscipiatis et familiariter, eumque adiuvetis secundum possibilitatem vestram, habeatisque illum fratrem in Christo, qui vos conservet in aeternum.

## 260.

*Alcvinus de Arnonis archiepiscopi Salisburgensis visitatione laetus de brevitate praesentiae eius dolet; discipulos communes Adhelricum diaconum, Adalbertum, Guntarium, omnesque gregis eius oves admonitas vult.* 798—c. 802.

*Codd. S 1 fol. 212'—214 (S 1\* fol. 141—148').*

*Edd. M 23, F 89, J 235. — Migne col. 319.*

259. a) psalmis S 1. b) psalterio S 1. c) collexit S 1. d) composito S 1. e) domu S 1.

1) *Hunc librum manualement eundem esse ac codicem ecclesiae cathedralis Coloniensis CVI coniecit Knust (Pertz Arch. VII, 855), qui eum eodem tempore variis manibus scriptum esse affirmavit, cf. Jaffé et Wattenbach Eccl. Colon. codd. mscr. p. 43, sed opinionem eius refellit Menzel (Die Trierer Adahandschrift p. 5), qui epistolam hanc recte anno 802. assignavit. Hoc est summarium codicis a Knustio relatum: In huius codicilli corpore continentur epistola Albinus magistri ad Arnonem archiepiscopum. Item expositio in VII psalmos paenitentiae. Item eiusdem epistola ad pueros adolescentulos de confessione peccatorum. Item expositio in psalmum CXVIII. Item hymnus beati Bedae presbyteri de opere sex dierum primordialium et de sex aetatibus mundi. Item eiusdem hymnus pulcherrimus elegiaco metro compositus opere pulcherrimo de virginitate Aethilrythae reginae. Expositio quoque de patrum dictis brevis in psalmos XV graduum. Item hymnus de eisdem psalmis. Item oratio pulcra rythmico sermone composita. Item beati Bedae presbyteri dulcissimi versus collecti de singulis psalmis vel laude Dei et oratione, quod psalterium eiusdem patris nominatur. Item oratio pulcra. Item alia oratio. Similis argumenti est codex Eporediensis 30 saec. X., quem contulit Ewald. 2) Frobenius I, 342—389, cf. supra p. 388. 3) Frobenius II, 96—102. 4) Mone Lat. Hymnen I, 1. 5) S. Martini, supra p. 193. 6) Mone l. l. I, 393. 7) Bedae Hist. eccles. gent. Anglor. IV c. 20, cf. Poet. Carol. I, 187 v. 780—784. 8) sc. librum. 9) Fredegisi.*